



Matseno:

Mafelelo a kotara ya bobedi ya ngwaga wa 2017 a hlagiša kgatišo ya bo16 ya Under the Baobab Tree, lengwalo la ditaba la Ofisi ya Mohlokamedi ya FAIS. Ditshekatsheko tša maemo ka go kgatišo ye ya lengwalo la ditaba di lebantše go makala a go fapafapana ka gare ga maemo a peakanyo ya ditšhelete. Tshekatsheko ya maemo ya mathomo e šogana le diphholisi tša tšhireletšo ya mokitlana, tšeo ka tlwaelo di bitšwago diphholisi tša go patela ge o hlokofetše, tshekatsheko ya maemo ya bobedi e lebelela diphholisi tša endaomente. Sekhwama sa Phenšene ya Bašomi ba Mmušo le tirišo ya melawana ya sona go dikhwama tša pabalelo se hlalošitšwe ka go tshekatsheko ya maemo ya boraro, gomme

tshekatsheko ya maemo ya mafelelo e ebetšwe go inšorense ya lebaka le le kopana, gagolo kudu go inšorense ya beng ba dintlo le dikotsi tša go se hlokomele thoto ya gago.

Mola ditshekatsheko tše tša maemo di fapana kudu, morero wo tlwaelegilego ka dinako ka moka ke senyakwa sa gore moabi wa ditirelo tša ditšhelete o swanetše go dira bonnete bja gore o hwetša tshedimošo ka moka ya malebale yeo e hwetšagalago go tšwa go badirelwa bao ba holofelwago gore tigelo yeo e dirwago ke ya maleba, le gore tša tshedimošo ka moka ya didirišwa e tšweletšwa go modirelwa go kgontšha gore modirelwa go tšea sephetho seo se tsebišitšwego.



Tshekatsheko ya maemo ya 1: Dipholisi tša Tšhireletšo ya Mokitlana

Inšorensense ya tšhireletšo ya mokitlana ke inšorensense ya tšhireletšo yeo e hwetšagalago go badiriši go aba tiišetšo ya gore, ge go ka hlaga lehu, bogolofadi, bolwetši bja go bolaya goba go ntšhwa mošomong - dikotsi ka moka tšeo go ka bago le kgonagalo ya gore di ame bokgoni bja bona bja go amogela letseno - ditefišo tša ditšhelete tša go šalela morago di a fiwa. Go swanetše go bolelwa gore ge go ka diragala gore go be le bogolofadi bja nakwana/ go fokotšwa mošomong, dipholisi tše di beakanyetša fela tefo ya dikompetšo tša kgwedi ka kgwedi tša sebaka sa dikgwedi tše tshela. Go fapana le dipholisi tše di tlwaelegilego tša tiišetšo tša bophelo, dipholisi tše ga di dire tshepedišo ya kalafo mathomong a pholisi, ka gona dikgopelo ka moka di dumelelwa go sa šetše kotsi yeo moinšoriwa a ka bego a na le yona. Kotsi ke moka e laolwa ka morago ke tlhagišo ya ditemana tše mmalwa tše bjalo ka tšeo di ganetšago tšhireletšo mabapi le bolwetši bjo molwetši a šetšego a humana kalafo pele a phekolwa goba bjo modirelwa a hweditšego kalafo pele ga go phethwa ga kgopelo.

O kgahlanong le T

Dintlha:

Mongongoregi o rekile pholisi ya tšhireletšo ya mokitlana go tšwa go mofetodi, yeo e thomilego go šoma ka la 20 Ngwatobošego 2013, ka morago ga gore mongongoregi a reke mmotoro. Mmotoro o be o thekgilwe ka ditšhelete ke mofetodi gomme pholisi ye e be e swanetše go ba e abetše ka tšhireletšo ya ge mongongoregi a šitwa ke go lefa ditefelo tša kgwedi ka kgwedi ka baka la lehu, bogolofadi bja saruri goba go ntšhwa mošomong. Ka morago ga go swarwa ke seterouku, ka Dibokwane 2015, mongongoregi o ile a dirwa mogolofadi ka baka la mathata ao a bilego gona ka baka la opareišene ya go fodiša ditlamorago tša seterouku; ke moka a romela kleime kgahlanong le pholisi. Ka lengwalo leo le ngwadilwego letšatšikgwedi la 25 Phato 2015, mongongoregi o ile a tsebišwa gore kleime ya gagwe e ganeditšwe ka baka la gore bogolofadi bo be bo amana thwii le bolwetši bjo bo phekotšwego pele ga go thoma ga pholisi. Pholisi, bjalo ka ge mongongoregi a hweditšego ka gona, e be e akaretša paka ya go leta yeo e bego e sa akaretše dikleime dife kapa dife tšeo di amanago le bolwetši bjo bo bilego gona pele ga go thoma ga pholisi. Mongongoregi o ile a dira karo ya pelo ka 1996, gape o ile a swarwa ke bolwetši bja kgatelelo ya pelo go tloga ka mengwaga ye 21. Mongongoregi, yo a tlogedišitšwego modiro ka baka la bolwetši ka Dibokwane 2015, o ile a bela gore le ge e le gore o tsebagaditše dintlha tše go moemedi wa mofetodi, ga go le bjo tee bja malwetši a bjo bo ilego bja ngwalwa ka go foromo ya kgopelo, le gore ga go dikutollo tšeo di ilego tša dirwa go yena mabapi le go se akaretšwe ga bolwetši bjo bo bilego gona pele ga go thoma le ge e ka sebaka sa go leta sa dikgwedi tše 24 seo se šomišwago fa.

Mongongoregi o ile a tla Ofising ye a nyaka gore kleime ya bogolofadi e lefelwe ke mofetodi, ka baka la gore ga se a ka a tsebišwa ka tša go se akaretšwe tšeo di šomago ka go pholisi

Tsenogare ya rena:

Ka morago ga go amogela ngongorego Ofisi ye e ile a ya laela molato go mofetodi, e mo kgopela gore e bontšhe kobamelo ya Karolo ya 8 (1) (a-c) ya Molaokakaretšo wa Maitshwaro wa Baabi ba ba Dumeletšwego Semolao wa Ditšhelete le Baemedi ('Molao'). Karolo ye ya Molao gagolo e nyaka gore moabi wa ditirelo tša ditšhelete a hwetše tshedimošo ka moka ya maleba le yeo e hwetšagalago go netefatša gore tigelo ga e maleba fela go dinyakwa le mabaka a modirelwa, eupša e laela gape moabi wa ditirelo tša ditšhelete go dira gore dikutollo ka moka tša materiale tšeo di kago kgontšha modirelwa go dira sephetho sa go ba le tsebo, senyakwa se segolo sa Molao. Ka gona Ofisi ye e ile ya botšiša mofetodi ge e ba o lotile, gape o kgonne go hlagiša direkoto tše di hlokagalago le go obamela Molao, go hlatsela gore go dirilwe maiteko a go hwetša dintlha tša histori ya kalafo tša mongongoregi le go netefatša gore dikutollo tša maleba mabapi le dilo tšeo di sa akaretšwego di tšweleditšwe go mongongoregi. Se se ka be se mo dumeletše go laetša ge eba o be a ikemišeditše go tšwela pele ka pholisi le ge go be go na le dikgwedi tše 24 tša go se akaretšwe, goba a ka nyaka pholisi ye e tlwaelegilego ya inšorensense ya bophelo yeo e ka bego e dirile tshepedišo ya kalafo ye e hlokagalago pele, yeo ge e le gore e a atlegile, e tla bego e fane ka tiišetšo ya maleba ka nako ya kleime.

Mofetodi, ka morago ga go amogela ngwalelano go tšwa go Ofisi ye, o ile a fetola sephetho sa gagwe gomme a tšea sephetho sa go lefela kleime ka botlalo ka go lefela tefelo ye e šaletšego morago ya mmotoro ya tšhelete ye e lekanago R 115 240.00.

Dithuto tšeo go ithutilwego tšona:

1. Ge o dira kgopelo efe kapa efe ka sebopego sa mokitlana, gomme o fiwa pholisi ke moemedi, o swanetše go hwetša ka bobedi go ba gona le sebopego sa ditemana dife kapa dife tša go se akaretše tšeo di kago dira gore dikleime tša nako ye e tlogo di ganwe ka baka la bolwetši bja go ba gona peleng.
2. Go na le mehuta ya go fapafapana ya ditemana tša bolwetši bjo molwetši a hwetšago kalafo ya bjona bjo bo ka bonago go se akaretšwe sebaka se itšego fela, go fa mohlala dikgwedi tše 24, goba mo mabakeng a mangwe, ye e ka ba taba ya go se akaretše ka botlalo sebaka ka moka sa pholisi.
3. Ge e ka ba e le gore o ikele wa phekolwa peleng ka bolwetši bofe kapa bofe, gona go ba le tsebo ya go ba gona le mohuta wa go se akaretše go ka go dumelela go hwetša ge eba pholisi ye e digetšwego ke tharollo ye kaone ka mo go kgonagalago ka gona bakeng sa dinyakwa le mabaka a gago.



Tshekatsheko ya maemo ya 2: Dipholisi tša Endaomente

Dipholisi tša endaomente ke ditšweletšwa tša tlišetšo ya bophelo tšeo di ka bago le dikgetho tša go fapafapana tša peeletšo ya motheo, go akaretšwa le dikimi tša peeletšo tša mohlakanelwa (diyunititherasete). Tswala ye e hwetšwago ke batho ka noši ke pholisi ya endaomente e lefišwa motšhelo ka gare ga sekhwama ka tekanyo ya 30%, gomme se se dira gore ba lebane ke tekanyo ya motšhelo ya tlase ya go feta 30%. Godimo ga fao Karolo ya 54 ya Molao wa Inšorense ya Lebaka le letelele e hlagiša sebaka sa kiletšo fao go bewago magomo go dintšho tša tšhelete tšeo o ka di dirago go pholisi. Se se diragala go mengwaga ya mathomo ye mehlang ya pholisi ya gago, fao o ka dirago fela kgopelo e tee fela ya go ntšha tšhelete le kadimo. Godimo ga fao dikoketšo dife kapa dife le/goba diphetošo tšeo di dirilwego di tla ba le seabe sa go bea pholisi go sebaka se seswa sa kiletšo seo ka sona go ka se be le dikholego tšeo di ka fihlelelwago. Ka gona go bohlokwa gore tigelo efe kapa efe mabapi le peeletšo ya maleba go pholisi ya endaomente e dirwa fela ka morago ga ge moabi wa ditirelo tša ditšhelete a akantše tshedimošo ka moka ya maleba gape ye e hwetšagalago go netefatša gore tigelo ke ya maswanedi.

F kgahlanong le O: Dintlha

Ka nako ya 2014, mongongoregi, mosadi wa mengwaga ye 52 wa go se šome, o ile a ya go moemedi wa mofetodi mabapi le dikgetho tše di hwetšagalago go yena go beeletša tšhelete ya go lekana R200 000. Peeletšo e ile ya tšwa go dipelo tša thekišo ya ntlo ya mongongoregi, gomme e be e emetše kapetlele ka moka ya gagwe. Moemedi wa mofetodi o be a dirile tigelo ya gore a bee ditšhelete tša gagwe ka moka go pholisi ya endaomente gomme mongongoregi a tlatša ka moo go holofelwego ka gona foromo ya kgopelo yeo e filwego. Mengwaga ye mebedi ka morago ga go thoma ga pholisi, mongongoregi a thoma go itemogela mathata a ditšhelete, gomme a leba go mofetodi ka maikemišetšo a go goga tšhelete ka moka go tšwa go pholisi.

Ka morago ga go rerišana le moemedi wa mofetodi ka Lewedi 2016, o ile a tsebišwa gore neelo ka botlalo ya pholisi e tla ba le kotlo ya neelo ya pholisi yeo mongongoregi a bego a ka se kgone go e lefela. Mongongoregi o re o filwe kgetho ya go goga tšhelete ya karolo ya R50 000 go tšwa peeletšong ya gagwe le gore o tladišše diforomo tša maleba tša go goga tšhelete. Mongongoregi o be a le ka tlase ga kgopolo ya gore ditšhelete tše di šetšego di tla dula di le gona, gomme di tla hwetšagala ge a di kgopela. Le ge go le bjalo o ile a tsebišwa ke mofetodi gore peeletšo e ka se sa kgona go fihlelelwa gomme ditšhelete tše di šetšego di tla hwetšagala fela ka 2020 ka morago ga gore pholisi e bewe ka tlase ga sebaka se se mpsha sa kiletšo.

Mongongoregi ga a sa gopola le gatee gore o ile a tsebišwa ka dikotlo le dikiletšo tšeo di šomago go pholisi ye, gomme a leba go Ofisi ye go hwetša thušo.

Tsenogare ya rena:

Ofisi ye e ile ya kgopela mofetodi go bontšha ka moo pholisi yeo e iletšago bangongoregi go fihlelela ditšhelete, gomme e

bonego tswala ya letseno ye a lefišitšwego motšhelo ka kelo ya 30%, e bego e le maleba go dinyakwa tša mongongoregi le mabaka bjalo ka motho wago se šome. Go be go le molaleng gore modirelwa ka profaele ya mongongoregi o hloka phihlelelo go ditšhelete tša gagwe, le gore a ka se kgone go lefela dikotlo dife kapa dife tša go neela pholisi.

Le ge go le bjalo, mofetodi, o be a gatelela gore keletšo ye e filwego mongongoregi e be e le ya maleba le gore mosaeno wa gagwe foromong ya kgopelo e laeditše gore o amogela mabaka le dipeano tša pholisi. Molato o ile wa amogelwa semmušo go nyakišwa ke Ofisi ye. Re ile ra boeletša gore mofetodi a akanye kgopolo ya gagwe le go rarolla taba ye le mongongoregi. Mafelelong mofetodi o ile a dumela go lefa mongongoregi ditšhelete tše di šetšego tša pholisi ka botlalo le tšhelete ya bofelo ya go feleletša sekoloto ya ngongorego.

Dithuto tšeo go ithutilwego tšona:

1. Dipholisi tša endaomente, mola di sa fe dikholego go batho bao ba nago le kelo ya motšhelo ya magareng ya tefelokakaretšo ya 30% go fa mohlala, di ka se swanele sedirišwa sa peeletšo sa maleba go babeletši ka moka, gagolo ge o hloka tefelotlaleletšo go ditšhelete ka gare ga sebaka sa mathomo sa kiletšo.
2. Go bohlokwa gore moeletši wa gago wa ditšhelete a hwetše tshedimošo ka moka ya maleba le yeo e hwetšagalago go tšwa go wena go dira bonnete bja gore se tšwa seo se digelwago se maleba go dinyakwa tša gago le mabaka.
3. Kgopela moeletši wa gago wa ditšhelete go go hlalošetša dikgetho tša go fapafapana tšeo di hwetšagalago go wena, le menyetla le mathata a peeletšo ye nngwe le ye nngwe le le gore e šoma bjang go dinyakwa tša gago tše itšego, gore o kgone go dira sephetho se se tsebišitšwego ka ga setšweletšwa seo se tlogo swanela dinyakwa tša gago.



Tshekatsheko ya maemo ya 3: Sekhwama sa Phenšene ya Bašomi ba Mmušo (GEPF) le Dikhwama tša Pabalelo

Sekhwama sa Phenšene ya Bašomi ba Mmušo (GEPF) ke sekhwama se segologolo sa phenšene ka Afrika; ke sekhwama sa phenšene sa kholego ye e hlalošitšwego, sa go laolwa ke Molao wa Phenšene ya Bašomi ba Mmušo (goba molao wa GEP). Melao ya GEPF e fapana le ya dikhwama tša phenšene ya praebete gagolo mabapi le dikhwama tša pabalelo. Sekhwama sa pabalelo, bjalo ka ge leina le akanya, se dira gore o kgone go babalela dipolokelo tša gago tša sekhwama sa phenšene pele o rola modiro. Ge motho a tlogela mošomo, a ntšhwa mošomong, goba a rakwa ke mongmošomo, a ka fetišetša dikholego tša sekhwama sa phenšene ya gagwe go sekhwama sa pabalelo sa phenšene gomme dipoelo di ka se lefišwe motšhelo go fihle ka nako ya ge o kgetha go ntšha tšhelete. Molao wo o tlwaelegilego o dumelela gore leloko la sekimi sa phenšene sa praebete go ntšha tšhelete pele le theransefera go sekhwama sa pabalelo sa phenšene, ntle le go šogana le ntšhotšhelete e tee yeo e hwetšagalago ka gare ga sekhwama sa pabalelo. Mo go tholomodiro leloko le ka fihlelela teetharong ya kholego ya phenšene ya lona ka pedi tharong ye e šetšego ye e šomišitšwego go reka anyuithi bakeng letseno la boiphedišo. Melao ya GEPF, le ge go le bjalo, ga di dumelele leloko go fihlelela ditšhelete dife kapa dife pele ga go fetišetša go sekhwama sa pabalelo. Mola le le ka go sekhwama sa pabalelo, leloko le ka dira dintšho tša ditšhelete tšeo di kgaolelitšwego go tee tharong ya bokaalo bja kholego. Godimoga fao, mo go tholomodiro leloko ga le na phihlelelo ya teetharong ya peeletšo gomme kholego ka moka e šomišwa go reka anyuithi. Ka gona go bohlokwa gore bao ba ntšhago tšhelete go tšwa go GEPF ba dira bonnete bja gore ba eletšwa ka dikgetho tšeo di hwetšagalago.

P kgahlanong le O: Dintlha

Mongongoregi, yo a bego a na le mengwaga ye 48 ge kgopelo e be e phethwa, o be a thwetšwe ke SANDF sebaka sa mengwaga ye 29. Mongongoregi o ile a tšea sephetho sa go rola modiro go tšwa go SANDF go latela mošomo wo mongwe, gomme a nyaka ditseno go tšwa go sekhwama sa phenšene ya gagwe tšhelete ya go lekana R2 841 364.86 go reka kgwebo ye e lego gona. Mongongoregi pele a rola modiro, o ile a ya go moemedi wa mofetodi go hwetša keletšo ya go fihlelela R2 100 000 ya kholego ya sekhwama sa gagwe sa ya gagwe sa phenšene go reka kgwebo ya gagwe. Moemedi wa mofetodi, le ge go le bjalo, o ile a tsebiša mongongoregi gore o tla itemogela mathata a magolo a motšhelo ge a ka fihlelela ditšhelete tša gagwe thwii go tšwa go GEPF. Mongongoregi o ile a tsebiša moemedi wa mofetodi gore o ikemišeditše go lefela motšhelo ofe kapa ofe woo o lego gona, ka ge a be a hloka R2 100 000, e lego lebaka la gagwe le legolo la go dira gore a role modiro. Le ge go le bjalo, moemedi o ile a ganelela gore go theransefera kholego ya sekhwama sa gagwe

sa phenšene kago sekhwama sa pabalelo, le ge go le bjalo a ka kgona go go fihlelela R2 100 000 ye e hlokalago gomme a babalela ditšhelete tše di šetšego.

Mongongoregi o ile a amogela keletšo yeo e fiwago, gomme ka morago ga go theransefera ditšhelete go sekhwama sa pabalelo sa phenšene, le go tlatša diforomo tša go ntšha tšhelete, mongongoregi o ile a eletšwa gore go ntšha tšhelete go be go kgaolelitšwe go tee tharong ya kholego ya phenšene, bokaalo bja R947 121.

Ntle le maiteko a mmalwa a go rarolla bothata le mofetodi go paletšwe ke go tliša tharollo, mongongoregi o ile a leba Ofising ye go hwetša e thušo.

Tsenogare ya rena:

Karolo ya (1) (a) ya Molao e hlagiša gore tshedimošo ka moka ya maleba gape yeo e hwetšagalago e swanetše go hwetšwa go mongongoregi go dira bonnete bja gore tigelo e maleba go dinyakwa le mabaka a modirelwa, mo lebakeng le mongongoregi. E be e se ka ngangišano gore kemedi ya mofetodi e lemogile maikemišetšo a mongongoregi a go reka kgwebo gammogo le tšhelete yeo a bego a e hloka. Ka morago ga go fiwa tshedimošo ye yeo e bego e le maleba seemong sa mongongoregi, gomme e hwetšagala ntle le tefo, kemedi le ge go le bjalo e šitilwe ke go šoma ka tlhokomelo ya bokgoni bjo bo hlokalago le ka phegelelo ka tigelo yeo e thibetšego mongongoregi go phethagatša poelo ya gagwe ye a bego a e holofetše - go reka kgwebo.

Ge se se be se bewa go mofetodi, sephetho se ile sa tšewa sa go rarolla bothata ka botlalo le kwano ya mongongoregi, gomme monyetla wa hlagišwa go mongongoregi woo bofelong o ile go wa amogelwa.

Dithuto tšeo go ithutilwego tšona:

1. Melao ya sekhwama sa phenšene ka mehla e tla feta peomolao wo o lego gona, gomme o tla hloka go netefatša gore o itlwaetša melao ye e šomišwago go sekhwama sa phenšene ge e le gore o na le lebaka la go ntšha tšhelete go tšwa go sekhwama sa phenšene/ goba sa tetameso pele ga go rola modiro.
2. Se se tšwela pele go ba bohlokwa kudu ge motho a leboga modiro wa gagwe ka maikemišetšo a itšego a go thoma goba go reka kgwebo yeo e ka nyakago phihlelelo ya kapetlele bjalo ka kholego ya go ntšha tšhelete.
3. Dipheho tšeo motho a di tšeago mabapi le go ntšha tšhelete goba go tšwa sekhwameng sa go rola modiro di ka ba le ditlamorago tše bohlokwa gape tša go sa felego, ka gona go bohlokwa kudu gore o dira bonnete bja gore o amogela keletšo ya maleba le gore sephetho sa gago se kgotsofatša dinyakwa tše itšego.



Tshekatsheko ya maemo ya 4: Inšorensa ya Motse

Inšorensa ya Mong wa ntlo e akaretša se sengwe le se sengwe seo e lego sa ruri le seo se sa šuthego ka gare ga mollwane wa thoto ya gago, go akaretša le leboto la mollwane, karatšhe le heke gammogo le mebotho yeo e e sepedišago, meago ya ka ntle, letangwana la go rutha, sediba sa go borelwa le dipompo tšeo di amanago le tšona, le didirišwa le dikgohlaganyi tša ka ntlong. Godimo ga kotsi yeo e amanago le yona ka inšorensa ya maemo ao e sego a maleba le kgopelo ya molao wa tekanyo ka moinšori yeo e ka latelelago maemo a kleime, lebaka le le tlwaelegilego kudu la gore dikleime di ganwe, ke tlhokomelo ye mpe, goba ka theko yeo e ka bego e efogilwe.

N kgahlanong le S: Dintlha:

Ka la 24 Mosegamanye 2014, mongongoregi o ile a dira kgopelo ya kadimo ya tšhelete ya go reka ntlo gammogo le inšorensa le mofetodi. Ka Dibatsela 2016, lefelo leo mongongoregi a bego a dula ka go lona le ile la itemogela matlakadibe a magolo ao a bakilego tshenyo ya thoto ya mongongoregi. Mongongoregi o ile a dira kleime le mofetodi bakeng sa tshenyo ye e hlagilego lebatong le marulelong a moago. Ka la 20 Pherekong 2017, mongongoregi o ile a tsebišwa gore kleime ya lebato e dumeletšwe, eupša mofetodi a gana go lokiša marulelo ao ba itšego a senyegile kabaka la tlhokomelo ye mpe. Mongongoregi o ile a se kgotsofatšwe ke poelo ya kleime, gomme a re ga se a tsebišwa ka tšeo di sego tša akaretšwa tše ge a be a dira kgopelo ya pholisi gomme ka gona o timilwe monyetla wa go direlwa ditokišo tšeo di hlokagalago.

Tsenogare ya rena:

Ka go araba ngwalelano ya mathomo go tšwa go Ofisi ye, mofetodi o ile a bela gore pholisi e rekišitšwe ntle le keletšo gomme e rekišitšwe fela ka dinyakwa le dikholego. Mofetodi ka gona o ile a phegelela gore o tla lefela fela kleime ya ditshenyagalelo tša lebato. Pele ga gore molato o amogelwe semmušo bakeng sa nyakišišo, Ofisi ye e dirile tigelo go mofetodi gore molato o fetšwe. Lengwalo la tigelo le ile la boeletša gore ditirelo tša ditšhelete di ka se abelwe ntle le kabo ya keletšo. Godimo ga fao tšeo di sego tša akaretšwa mabapi le go šitwa ke go hlokomela thoto e be e le lebaka le legolo la pholisi leo le bego le swanetše go utollwa ka go melawana ya karolo ya 7(1)(c) (vii) ya Molao yeo e hlokago gore dikutollo tše kopana di dirwe tša dife kapa dife tšeo di sa akaretšwego, le goba mabaka ao ka wona tšhireletšo e ka se fiwego. Go be go se na le ditokumente tšeo di filwego tšeo mofetodi a di beakantšego ka karolo ye ya Molao. Ge nkabe kutollo ye e dirilwe, mongongoregi o be a ka ba a le seemong sa go dira sephetho seo se tsebišitšwego gomme o be a tla ba a kgonne go fokotša tahlegelo ya gagwe. Mafelelong mofetodi o ile a ya go mongongoregi gomme a šišinya maikemišetšo a go feleletša sekoloto sa R 166 830 ka botlalo le tšhelete ya bofelo ya go feleletša sekoloto ya kleime. Mongongoregi o amogela monyetla.

Dithuto tšeo go ithutilwego tšona:

1. Ge o reka thoto ye mpsha go bohlokwa go itlwaetša seemo sa moago go laetša gore tlhokomelo ya bofelo e dirilwe neng ke mong wa peleng.
2. Inšorensa ya nako ye kopana e ka se abele tšhireletšo mo mabakeng a ge moago goba thoto e sa hlokomelwa gabotse go sa šetše gore tlhokego ya tlhokomelo e ile ya laetšwa ke mong wa pholisi goba mong wa peleng wa thoto.



Lenaneo la Barutantšhwa ba Dialogwa la FAIS Ombud

Lenaneo la Barutantšhwa ba Dialogwa la FAIS Ombud le hlomilwe ka Manthole 2010 ka maikemišetšo a go hlahlala dialoga tšeo di tshepišago go tšwa ditšhabeng tšeo kgale di bego di hlokomologilwe le dihlongweng ka keletšo le tlhahlo ya sebaka sa dikgwedi tše 12. Bahlahlobiwa ba kgethwa go tšwa go dikolo tša go fapafapana tša molao gomme bjalo ka nyakego, ba swanetše go ba ba le tshepedišong ya go fetša dithuto tša bona tša Tirišo ya Molao. Lenaneo e sa le le thoma le thakgotše mešomo ya Baithutelamešomo ba Dialoga gomme le tšwela pele go fa dialoga tša molao tše di kgethegilego sebaka sa go thoma mošomo wa bona ka mabaka a seprofešenale a phethagatšo ya godimo mola ba boelwa ke maitemogelo maemong a go fapana a ditirelo tša ditšhelete. Lenaneo le tšwela pele go gola, gomme kgolo ya palo ya dialoga tšeo e bago maloko a mokgatlo wa rena ngwaga ka ngwaga e laetša tlhabollo ya lenaneo gammogo le boitshepo bja FAIS Ombud mo go dikholego tše di amogetšwego ke sealoga se sengwe le se sengwe bofelong bja sebaka sa dikgwedi tše 12.

Tlhahlo e akaretša dihlogotaba tše bjalo ka dipeeletšo, molao wa ditirelo tša ditšhelete le peakanyo ya go rola modiro gammogo le bokgoni bja go šoma le batho; ka moka di thuša dialoga go atlega mešomong ya bona ya nako ye e tlogo. Re na le boitshepo bja gore lenaneo le tsenya letsogo go tlhabollo ya ekonomi ya Afrika Borwa ka kakaretšo

Ofisi ye e rata go lebogiša Mna Andani Komeni, Ms Tshilidzi Nemaonzeni, Mna Tumelo Letaoane le Ms Olwethu Mnguni bao e lego dialoga tša go atlega ka morago ga lesolo la kalatšo leo le dirilwego ka June 2017. Dialoga tše di tsenetše lenaneo ka la 1 Mosegamanye 2017 gomme re ba lakaletša mahlogonolo.



Mr Andani Komeni, Ms Tshilidzi Nemaonzeni, Mr Tumelo Letaoane and Ms Olwethu Mnguni



Ditaetšo:

Go ya ka Karolo ya 28 ya Molao wa Ditirelo tša Keletšo ya Ditšhelete le tša Magareng, fao bothata bo sego bja rarollwa goba tigelo ya FAIS Ombud e sego ya amogelwa ke bao ba amegago, FAIS Ombud o tla dira taetšo ya bofelo yeo e tlogo akaretša–


- go rakwa ga mongongoregi; goba
- go thakga ngongorego ka botlalo goba ka go sa felelago, go fa mohlala, go abela mongongoregi tšhelete ya go lekana putselo ya kgethollo ya ditšhelete goba tahlegelo yeo e itemogetšwego.

Taetšo ya FAIS Ombud e lekana le kahlolo ya setšhaba ya kgorotsheko.

Ditaetšo tšeo di hlagišwago ke Ofisi ye di fa temogo ye bohlokwa ka ga mokgwa wo Ofisi ye e hlathollago dihlagišo tša Molao wa FAIS le Molaokakaretšo wa Maitshwaro wa Baabi ba ba Dumeletšwego Semolao wa Ditšhelete le Baemedi wa go nyalelana.

Ka tlase ke lenaneo la ditaetšo ka moka tšeo di hlagišitšwego nakong ya kotara ya Moranang 2017 go fihla ka Mopitlo 2017, gomme di hwetšagala wepsaeteng ya rena go www.faisombud.co.za.

<i>Ngwaga</i>	<i>Setšweletšwa</i>	<i>Mongongoregi</i>	<i>Mofetoledi</i>	<i>Letšatšikgwedi la thagišo</i>
2017/18	Dipeeletšo	TEDDY MADITSE	MAGAJANA TRADING AND PROJECTS CC & LINDIWE MTASA MAGAJANA	201706/06
2017/18	Lebaka le letelele	HYLTON FORGE	OLD MUTUAL LIFE ASSURANCE COMPANY & SOUTH AFRICA LIMITED (OMLACSA)	201705/22
2017/18	Lebaka le letelele	Babalwa Molate	Discovery Life Limited	201705/05
2017/18	Dipeeletšo	Melany Deborah Anne Koekemoer	JAM Financial Planning CC & Willem Johannes Abraham	201705/05
2017/18	Dipeeletšo	Tielman Dreyer Odendaal	JAM Financial Planning CC & Willem Johannes Abraham	201705/05
2017/18	Dipeeletšo	Amandus Tobias Viljoen	Dawie Joubert Versekerings Makelaars BK & Dawie Joubert	201704/24
2017/18	Dipeeletšo	Cornel Erasmus	Dovetail Trading 509 cc & Hermanus SP Lombaard	201704/10





OFFICE OF THE OMBUD FOR FINANCIAL SERVICES PROVIDERS



TEL 012 470 9080 / 012 762 5000

EMAIL info@faisombud.co.za

WEBSITE www.faisombud.co.za

Sussex Office Park, c/o Lynnwood Road and Sussex Avenue, Lynnwood, 0081

Anyone who has a complaint about the service delivery of this office must kindly email their complaint to hestie@faisombud.co.za